

continuar coa implantación dun novo modelo de rexistro e sistema de información ao cidadán, primando o sistema electrónico, co fin de crear unha auténtica rede integral de información que racionalice o funcionamento administrativo.

A Dirección xeral de Administración local, no marco e execución das súas competencias, persegue como obxectivos prioritarios a Implantación da e-Administración ou administración electrónica nos Concellos de Galicia conseguindo 100 procedementos telemáticos entre a Xunta e os concellos, e conseguir que 165 concellos da comunidade autónoma se adhiran á xestión do Portal Eido Local.

En materia de xustiza as accións consistirán no reforzo da administración de Xustiza, aumentando os medios humanos e materiais, ao obxecto de mellorar a organización e o tempo de resposta.

Actuacións de mediación como mecanismo de solucións de conflitos distinto ao proceso xudicial, con 3 experiencias piloto postas en marcha.

O mantemento e mellora da dotación de medios e servizos, construción, reforma e mantemento de instalacións xudiciais, así como equipamento de 10 novos órganos e servizos xudiciais.

No que se refire a convenios de Asistencia Xurídica Gratuíta, alcanzárase un total de 33.224 casos aboados aos colexios de procuradores, e 58.378 casos aboados aos colexios de avogados.

Darase tamén un impulso as medidas de seguridade en 90 edificios xudiciais, en convenio co Ministerio do Interior.

A través da EGAP no ano 2012 haberá unha especial incidencia nas accións formativas descentralizadas, e na modalidade de teleformación para posibilitar o acceso a todos os empregados públicos, e especialmente aos pertencentes ás corporacións locais para o que desenvolverase un programa de formación continuada dos empregados públicos, impartida a través de 58 cursos de teleformación, favorecendo a descentralización dos cursos e a conciliación da vida familiar e laboral.

III.5.2. OE 2: Reforzo da capacidade institucional e financeira de Galicia

Este obxectivo comprende, entre outras, as actuacións relativas ao avance das fontes de financiamento de Galicia para garantir o exercicio futuro das competencias transferidas, as actuacións no ámbito autonómico para poder mellorar a calidade dos servizos públicos sociosanitarios e económicos, os reforzos das actividades de Xustiza e as actuacións de políticas de cooperación exterior, así como as accións que permiten garantir o funcionamento e os servizos das institucións galegas.

Este obxectivo estratéxico representa o 51 % do Eixe 5, e o 1,8 % sobre o total do PEG, cun importe de 165,3 millóns de euros, no que a medida máis relevante é a M04 "Promoción da Acción Exterior de Galicia, especialmente nas relacións coa UE, Portugal e a Cooperación ao Desenvolvemento" (co 4,4 % de obxectivo, e o 0,1 % do PEG).

Este obxectivo desenvolverase a través de proxectos encadrados nos programas de gasto:

Programas de Gasto	Importe
111A PRESIDENCIA DA XUNTA	3.833.724
111B ACTIVIDADE LEXISLATIVA	19.449.351
111C CONTROL EXTERNO DO SECTOR PÚBLICO	7.172.527
111D ALTO ASESORAMENTO DA COMUNIDADE AUTÓNOMA DE GALICIA.	4.722.581
111E RELACIÓNS EXTERIORES	3.181.663
121B ASESORAMENTO E DEFENSA DOS INTERESES DA COMUNIDADE AUTÓNOMA	2.372.374
121C RELACIÓNS INSTITUCIONAIS	875.569
131B PERSOAL AO SERVIZO DA ADMINISTRACIÓN DE XUSTIZA	71.833.991
212A PROTECCIÓN CIVIL E SEGURIDADE DA COMUNIDADE AUTÓNOMA	25.085.049
331A COOPERACIÓN EXTERIOR E AO DESENVOLVEMENTO	6.439.683
613A DEFENSA DA COMPETENCIA	547.960
613B ORDENACIÓN, INFORMACIÓN E DEFENSA DO CONSUMIDOR	6.654.298
621B IMPREVISTOS E FUNCIÓNS NON CLASIFICADAS	13.165.078

Os responsables de levar a cabo as actuacións encamiñadas a lograr este obxectivo son:

Xestores do PEG
01-PARLAMENTO
01-PARLAMENTO
02-VALEDOR DO POBO
02-CONSELLO DE CONTAS
01-CONSELLO DE CONTAS
03-CONSELLO DA CULTURA GALEGA
01-CONSELLO DA CULTURA GALEGA
04-PRESIDENCIA DA XUNTA
10-SECRETARÍA XERAL DA PRESIDENCIA
11-D.X. DO GABINETE DA PRESIDENCIA
20-ASESORIA XURÍDICA XERAL
05-CONSELLERÍA DE PRESIDENCIA, A.P E XUST.
02-D.X. XUSTIZA
04-D.X. DE RELACIÓNS INSTIT. E PARLAM.
05-D.X. DE EMERXENCIAS E INTERIOR
06-D.X. DE RELACIÓNS EXTERIORES E COA UE
105-ACADEMIA GALEGA DE SEGURIDADE PÚBLICA
402-AXE. GALEGA DE EMERXENCIAS
06- CONSELLERÍA DE FACENDA
108-CONSELLO GALEGO DA COMPETENCIA
23-GASTOS DE DIVERSAS CONSELLERÍAS
08- CONSELLERÍA DE ECONOMÍA E INDUSTRIA
107-INSTITUTO GALEGO DE CONSUMO
20-CONSELLO CONSULTIVO DE GALICIA
01-CONSELLO CONSULTIVO DE GALICIA

As medidas do Plan Estratéxico de Galicia que se van a realizar no ano 2012 son:

E5: Administración austera, eficiente e cercana ao cidadán.	Importe	%
<i>OE02 Reforzo da capacidade institucional e financeira de Galicia</i>	165.333.848	
M01 Defensa dos dereitos e intereses económicos dos consumidores galegos e defensa da competencia	1.151.332	0,7 %
M02 Protección civil e emerxencias, centrado na prevención de catástrofes naturais e os riscos derivados do cambio climático, que priorice a prevención, planificación, coordinación e información á poboación, establecendo mecanismos concretos de apoio aos concellos	5.997.232	3,6 %
M03 Desenvolvemento das competencias da Xunta na importante materia de seguridade cidadá, en colaboración e coordinación coas restantes administracións públicas competentes	1.753.300	1,1 %
M04 Promoción da Acción Exterior de Galicia, especialmente nas relacións coa UE, Portugal e a Cooperación ao Desenvolvemento	7.200.533	4,4 %
M05 Impulsar a coordinación entre o Goberno galego, o Parlamento e o Estado	201.843	0,1 %
M99 Soporte xeral - Reforzo da capacidade institucional e financeira de Galicia	149.029.608	90,1 %

As Fontes de financiamento do orzamento deste Obxectivo estratéxico son:

Fontes de financiamento	Importe	%
Orzamentos xerais da C.A.	163.834.549	99,09%
FCI	189.262	0,11%
FEDER	441.611	0,27%
INTERREG	311.068	0,19%
FSE	475.000	0,29%
OUTRAS INICIATIVAS	82.358	0,05%

Na área de protección civil, seguridade e emerxencias os obxectivos consisten na definición e a posterior posta en funcionamento dun sistema centrado na prevención de catástrofes naturais e os riscos derivados do cambio climático, que priorice a prevención, planificación, coordinación e información á poboación, establecendo mecanismos concretos de apoio aos concellos; implantación dun novo mapa de atención a emerxencias; profesionalización a través de formación, actualización e especialización dos servizos de emerxencia da Comunidade Autónoma; Fomento do voluntariado de protección civil potenciando a súa formación e preparación cara a situacións de emerxencia e intervención.

Nesta área é de especial importancia a actuación da Axencia Galega de Emerxencias que xestiona servizos esenciais en materia de resposta ás emerxencias, protección civil e seguridade pública a través do CAE I I2 Galicia. Neste ámbito as liñas de actuación son entre outras as seguintes: Mellora no tempo de resposta ás emerxencias e diminución nos tempos de atención ás chamadas ao número I I2; Potenciación da atención das emerxencias mediante un grupo de apoio loxístico dependente da Axega, como apoio aos servizos municipais, comarcais nos supostos de calamidade e catástrofe, e colaboración con outros entes xestores de emerxencias no ámbito interrexional e transfronteirizo, como as zonas fronteirizas Portugal e Castela-León con implementación dun proxecto específico que

impulse a creación desta macrorrexión.

No que se refire á promoción de acción exterior a través da Dirección Xeral de Relacións Exteriores e coa Unión Europea, as actuacións que se van a desenvolver son a promoción da Acción Exterior de Galicia en xeral, especialmente nas relacións coa Unión Europea, consolidar e potenciar a Comunidade de Traballo Galicia-Norte de Portugal, presidida nesta quenda polo Presidente da Xunta de Galicia. Para elo realizaranse 20 actividades culturais promovidas pola Fundación Galicia Europa, convocándose 10 bolsas para licenciados para a realización de prácticas nunha institución da Unión Europea, e realizaranse 2 proxectos da comunidade de traballo Galicia-Norte de Portugal.

Consolidar, potenciar e traballar para ampliar a Macrorrexión de Galicia, Castela-León e Norte de Portugal.

Potenciar a cooperación para o desenvolvemento dos países desfavorecidos mencionados no Plan Director da Cooperación Galega a través de 30 axudas á cooperación ao desenvolvemento 2012 .